

Bulopwe bwa Leza I Bika? (Kipindi 2)

Kitambile mu shapita 8 wa dibuku *Lelo I Bika Bine Bifundija Bible?* didi pa jw.org.

KITUNGO: Tadija byokulupile ne kyokulupidile'byo, bandaula byobya bifundija Bible, kadi kimba muswelo obwanya kushintulula nkulupilo yobe ku bakwabo.



I BIKA BIKALONGA BULOPWE BWA LEZA?

1 TADIJA BYOKULUPILE

Molangila bakwabo bakalondolola'po namani?

Le abe i bika byokulupile?

Mwanda waka ukulupile nankyo?

Bulopwe ke bulonge kala bintu bimo bitendelwa.
(Tala shapita 8 mu dibuku *Bifundija Bible*, musango 11-13.)

Tanga Kusokwelwa 12:7-10.

Le i kintu'ka kibajinji kyālongele Yesu pa kupwa'tu kubikikwa bu Mulopwe wa Bulopwe bwa Leza?

Tanga Kusokwelwa 12:12.

Pano pa ntanda paikela namani paaelelwe'po Satana, ne mwanda waka mūlu mwaikela ndoe ne nsangaji?
(Tana: Tanga monka Kusokwelwa 12:10b.)



Bulopwe bwa Leza ke bulete kala nsangaji momwa mūlu; panopano ponka ke pano pa ntanda

Bantu bonso ba kikōkeji bakamwena mu buno Bulopwe.

(Tala shapita 8 wa dibuku *Bifundija Bible*, musango 14-23.)

Tanga Musapudi 8:9 ne Danyeke 2:44.

Le Bulopwe bukafudija namani ano malopwe a bantu a kasusu?

Tanga Ñimbo ya Mitōto 37:29 ne Kusokwelwa 22:1-3.

Misongo ne lufu bikalongwa namani mu Bulopwe bwa Leza?

I bintu'ka bimo byotengēle kukalonga mu ntanda mipya?

3 SHINTULULA NKULUPILO YOBE

SHI MUNTU WANENA'MBA . . .

Bulopwe bwa Leza i kintu kidi mu mutyima wa muntu.

UBWANYA KULONDOLOLA'MBA . . .

Bavule babwanya kwitabija mulangwe'o. Ino ami nkulupile bikwabo, mwanda . . .

I kisonekwa'ka kyobwanya kutanga na uno muntu?

Byoyukile milangwe ya muntu'wa, i muswelo'ka obwanya kulanguluka na kisonekwa'kya?

SHI MUNTU WANENA'MBA . . .

Bulopwe byobudi mūlu, kekudipo kyobutela mutyima ku būmi bwa pano pa ntanda.

UBWANYA KULONDOLOLA'MBA . . .

I bine Bulopwe buludikilanga momwa mūlu. Ino nkulupile amba budi na mvubu mikatampe kotudi, mwanda . . .

I kisonekwa'ka kyobwanya kutanga na uno muntu?

Byoyukile milangwe ya muntu'wa, i muswelo'ka obwanya kulanguluka na kisonekwa'kya?
